 Violet Otieno

Catherine Groenewald

Amos Mubunga Kambere

|| 4


 OluKonjo



Global Storybooks

globalstorybooks.net

Ekihumuro E'wamukaka

 Violet Otieno

Catherine Groenewald

Amos Mubunga Kambere




This work is licensed under a Creative Commons

[Attribution 4.0 International License.](https://creativecommons.org/licenses/by/4.0)

<https://creativecommons.org/licenses/by/4.0>







Odongo haima n'Apiyo babyabikere omwa
kibugha haima na thathawabu.

Ibakabulikira ekihumulho kihakika. Butsira
ambu habwesukuru erikinga, aliwe eribya
ibakayahumulira ewamukaka wabo.


Mukaka aby'ikere hakuhi nahabakasohera
esisu okwangetse.



Odongo n'Apiyo mubabunyahirwa
kusangwa bakayalebeya mukaka wabu
kandi. Omwighohoghoho mubapakira
ebikapa byabo neriyitakanizirya
olubalhamo lhwabo omwakyalo.
Mubathabotsera. Mubakania obuthuku
erikya.




Yabere yikaby'engyakya, mubatsinduka
omwamatoka ya thatha wabo. Mubafugha
erilhaba omwabithwa, bamalhaba
okwabisoro byomoli, haima namalima awa
magyani. Ibakabara esyamatoka
esyabakalhabako, nerimba esyanyimbo.




Odongo n'Apiyo babere basuba
okwisomero, mubathulirawo banywani
babo eraha eyiri omwakyalo
ewamukakawabo. Abandi bana
bakalhangira obuyingo obwamwakibugha
ngabuwene, aliriryo abana abosi
mubikirirya bathi Odongo n'Apiyo bawithe
mukaka wabo omubuya.

Odongo n'Apiyo mubalagha mukaka
wabo nerimubathira kutsibu.
Mubalagha bukyaghe.




Habilhaba kathuku kake, bamalhuha neri
yiwotserako.







Bamabya bahika ewamuka wabo, neryo thatha wabo amabukya Odongo n'Apiyo. Mubasangana Nyar-Kanyada, mukaka wabo inyanikere okwamukeka ahisi omwakitsutsu kyomuthi. Nyar-Kanyanda omwalhulimi Ihwaba'Luo, kikamanyisaya 'mwali wa Kayanda'. Abya mukekulhu wamani, kandi inimubuyanga.




Thatha wabo abere akasiabenda, mubathanza erihongoka. Aliriryo mubasaba Nyar-Kanyada eryasa nabo omwakibugha. Mwaseka neryo abugha ati, "ngalimukekulhu, sinangathoka ekibugha". Ngendibalindirira kandi ekiro mukendisyasubulha.




Nyar-kayanda mwangirirabo,
neribahotholera. Abitsikulhu biwe
mubabunyahirwa nerimuherya
ebihembo ebyabamulethera erliwa omwa
kibugha. "kwanza mukaka
thangirisambuha ekihembo kyaghe",
Odongo mwasaba. "Eyihi, weza mukaka,
sambuha ekyaghe" Apiyo mwabugha.




Biro bingahi, neryo ekihumuro
okwasukuru bwamahika. Nyar-kanyada
mwarerya Odongo akasepeho n'Apiyo
akasweta. Mwaboherabo endanda
yomwanzira.




Abere abirisambulha ebihembo biwe,
Nyar-Kanyada mwatsumulha neribasabira
emighisa eyembaghane.




Obuthuku bukira, neryo ibakanywa
magyani chai haima. Neryo ibawathikya
mukaka wabo eribara esyambulho
esyabamathunga ekiro ekyo.




Neryo Odongo n'Apiyo mubaghenda eyihya. Bamatsuka erithibitha okwa binyuruwunzu haima no thunyonyi.




Ekindi kiro, abana mubaghenda omwathale na Nyar-kanyada. Abyawite mwemeza ahakaghuiraya esyanyinyi, esukali haima n'esabuni. Apiyo abyanzire eribwira abawuli emihendo yebindu. Odongo inyakabohera abawuli ebindu byabo babirighulha.




Mubasamba omwamithi nerithoghera
omwamaghetse omwangetse.




Kiro kighuma Odongo mwayalisya
esy'ande syamukaka wiwe. Neryo
syamalhaba omwirima lyomuliranwa.
Neryo omuliranwa ono mwatsuruma,
neribugha athi anganimya esy'ande esyosi
habwerilhaba omwabyalya nerilya ebyalya
biwe. Erilhusirirya ekiro ekyo, omulhwana
mwalhangira athi akatsunga esy'ande
aleke eriyiwusa omwabulitho.




Obuthuku bukira, neryo bakasubeka
erisialya ekyakiro. Bathabaghunza erirya,
neryo othulho thukabahamba.



Nyar-kanyada mwakangirirya abitsikulu
biwe erihuka obusano n'omukubi.
Mwakangiriryabo nerihuka omutsere
oweriria n'engege eyumire.



Omwangyakya, thatha wabana mwafugha erisuba omwakibugha nerisigha abana na mukaka wabo Nyar-Kanyanda.



Odongo n'Apiyo mubawathikya mukaka wabo okwathubiri. Mubaghenda okwalhusi, bamaletha esyangwe. Bamasongyasongya amaya w'esyangoko, nerisolhoma esyanyinyi omwirima.